

ԺՈՂՈՎՈՒՐԴՆԵՐԻ ԲԱՐԵԿԱՄՈՒԹՅԱՆ
ԼԵՆԻՆՅԱՆ ՈՒՍՄՈՒՆՔԸ

(Վ. Ի. ԼԵՆԻՆԻ ծննդյան 95-ամյակի առթիվ)

Մ. Ա. ՄԻԼԻՔՅԱՆ

Համաշխարհային պատմության ամեն մի շրջադարձային ժամանակաշրջան մտքի ու գործունեության հսկաներ, բազմակողմանի հանճարներ է ծնում: Պատմական տեսակետից առավել խոշոր դեր խաղացող գործիչներ ծնեց կոմունիստական հասարակարգի ծագման ու հաստատման դարաշրջանը: Բանվոր զասակարգի ազատագրական պայքարը կյանքի կոչեց հասարակության զարգացման օրինաչափությունները տեսականորեն ընդհանրացնող փայլուն գիտնականների, անվնձեր հեղափոխականների ու նոր հասարակարգի կառուցման տաղանդավոր ղեկավարների: Կարլ Մարքսը, Ֆրիդրիխ Էնգելսը և Վլադիմիր Լենինը այդ շարժման ամենաբարձր զազաթներն են, այն գործիչները, որոնք իրենց մեջ երջանկորեն միավորում են հանճարեղ փիլիսոփայի, տեսնագետի, բաղադրագետի և միաժամանակ հասարակական-սոցիալական շարժման տաղանդավոր կազմակերպչի ու ղեկավարի հատկությունները: Նրանք և՛ հեղափոխական շարժման գործնական ղեկավարներ էին, և՛ էնցիկլոպեդիկ մտածողներ, մտքի և գործողության տիտաններ:

Լենինը Մարքսի և Էնգելսի մեծ գործի հանճարեղ շարունակողն էր, նրանց ուսմունքը նոր, ավելի բարձր աստիճանի բարձրացնողը, որն ապրեց ու գործեց մարքսիստական զաղափարների անմիջական կենսագործման դարաշրջանում: Նա զխավորեց նոր տիպի ինտերնացիոնալիստական մարքսիստական կուսակցության կազմակերպման գործը, նրա իմաստուն ղեկավարությամբ հաղթանակի հասավ համաշխարհային պատմության համար վիթխարի շրջադարձային նշանակություն ունեցող Հոկտեմբերյան սոցիալիստական մեծ հեղափոխությունը, ստեղծվեց բանվոր զասակարգի դիկտատուրան և սկսվեց կոմունիստական հասարակության գործնական կառուցումը: Նրա ղեկավարությամբ կոմունիզմը ձգտումից ու թևերիայից սկսեց վերածվել իրականության:

Անդհահատելի է Լենինի՝ որպես կոմունիստական շարժման գործնական ղեկավարի, դերը: Անկասկած, սոցիալական հեղաշրջումը պատմական զարգացման օրինաչափ ընթացքի և տարրեր երկրների զարգացման կոնկրետ իրավիճակի անխուսափելի հետևանքն է: Սակայն պատմական անհրաժեշտությունը, հասունանալով, հնարավորությունից իրականության է վերածվում միայն այն ժամանակ, երբ գիտակցվում է լայն զանգվածների կողմից, երբ այդ զանգվածները բարձրանում են կազմակերպված, նպատակասլաց գործողությունների և երբ նրանց միջից առաջ են քաշվում՝ շարժման բուն էությունը, նրա հիմնական ուղղությունն ու լնթացքը՝ գիտականորեն իմաստավորելու: Այն հմտորեն ղեկավարելու ընդունակ անհատներ:

Քսաներորդ զարի սկզբին հենց այդպիսին եղավ Լենինի գործունեությունը, որն անհատական կերպարանք տվեց ոչ միայն մեկ երկրում՝ Ռուսաստան-

նում ծավալվող պրոլետարական շարժմանը, այլև կապիտալիզմից կոմունիզմին անցման ամբողջ դարաշրջանին:

Այդ համաշխարհային-պատմական դերը պայմանավորված է ոչ միայն լենինի պրակտիկ գործունեությամբ, այլև մարքսիստական տեսության մեջ նրա մուծած հսկայական ավանդով: Պրակտիկ գործունեությունը, որքան էլ այն համընդգրկող և կարևոր լինի, որքան էլ այս կամ այն պատմական իրադրությունների հանճարեղ վերլուծություն և հնարավոր լավադույն լուծումներ պարունակի, վերջ ի վերջո, նշանակություն ունի դեպքերի տվյալ ընթացքի համար միայն, տվյալ կոնկրետ կապակցությունների ու հանգամանքների մեջ: Սակայն դա այդպես է լոկ այն դեպքում, երբ տվյալ պատմական անձնավորությունը բավարարվում է միայն պրակտիկ գործունեությամբ: Իսկ լենինի իրական մեծությունը բնութագրվում է անմիջական պրակտիկ գործունեության և համաշխարհային զարգացման յուր ապրած ժամանակաշրջանի տեսական հոր ընդհանրացման անխզելի միասնությամբ:

Լենինը մեր դարաշրջանի մեծագույն տեսաբանն էր, անկրկնելի մտածող. նա կարողացավ գիտականորեն ընդհանրացնել կապիտալիզմից կոմունիզմին անցման համաշխարհային պրոցեսի հիմնական օրինաչափությունները, ուրվագծել այդ անցման հնարավոր ուղիները, հարստացնել մարքսիզմը նոր կողմերով, նոր դրույթներով և այն հասցնել մի այնպիսի նոր աստիճանի, որ իրավամբ կոչվում է մարքսիզմ-լենինիզմ:

Հասարակության զարգացման մասին գիտության մեջ լենինի խոշորագույն ավանդը XIX դարի վերջի և XX դարի սկզբի համաշխարհային տնտեսական ու քաղաքական զարգացման օրինաչափությունների գիտական խոր հետազոտությունն է: Սկսելով Ռուսաստանում արդյունաբերական ու ագրարային հարաբերությունների խորագնին ուսումնասիրությունից, նա վերլուծեց կապիտալիզմի զարգացման ուղիներն ու հեռանկարները այդ երկրում և, այնուհետև, հետազոտելով համաշխարհային կապիտալիզմի զարգացման տվյալներն ու հիմնական տենդենցները, բացահայտեց կապիտալիզմի բարձրագույն ստադիայի՝ իմպերիալիզմի տնտեսական ու քաղաքական զարգացման օրինաչափությունները: Հայտնագործելով իմպերիալիզմի ժամանակ կապիտալիզմի անհավասարաչափ, թոփառված զարգացման օրենքը, նա հանգեց այն եզրակացության, որ իմպերիալիզմի դարաշրջանում սոցիալիստական հեղափոխության հաղթանակը հնարավոր է ոչ թե բոլոր զարգացած կապիտալիստական երկրներում միաժամանակ, այլ սկզբնապես մի քանի կամ նույնիսկ մեկ առանձին խոշոր կապիտալիստական երկրում: Դա մեծագույն գիտական կանխատեսում էր, որի ճշմարտությունն ապացուցվեց մարդկության հետագա պատմական զարգացման ընթացքում:

Տեսականորեն ընդհանրացնելով վերջին դարի սոցիալական հեղափոխությունների, հատկապես 1871 թ. Փարիզի կոմունիայի և 1905—1907 թթ. ռուսական բուրժուազեմոկրատական հեղափոխության փորձը, լենինը մշակեց բուրժուազեմոկրատական հեղափոխությունը սոցիալիստականի վերածելու տեսությունը, ինչպես և հեղափոխության մեջ պրոլետարիատի դաշնակիցների հառցը՝ բանվոր դասակարգի և աշխատավոր գյուղացիության դաշինքի տեսությունը:

Նշանակալից է լենինի ներդրումը մարքսիստական փիլիսոփայության մեջ: Լենինը մեր ժամանակի խոշորագույն փիլիսոփա-մտածողն էր: Իր բազ-

մաթիվ զորքերի ու հողվածների և մասնավորապես փիլիսոփայության հար-
ցերին նվիրված «Մատերիալիզմ և էմպիրիոկրիտիցիզմ» ու «Փիլիսոփայա-
կան տեսերեք» հանրահռչակ աշխատություններում լենինը մի նոր աստիճանի
հասցրեց շրջապատող աշխարհի փիլիսոփայական ընդհանրացումը, մի շարք
նոր հարցադրումներով ու հիմնադրույթներով հարստացրեց ժամանակակից
գիտական փիլիսոփայությունը՝ դիալեկտիկական և պատմական մատերիա-
լիզմը։ Լենինը ոչ թե սոսկ նոր երանգներ մտցրեց մատերիալիզմի տեսության,
դիալեկտիկական մեթոդի և հատկապես իմացության պրոցեսի դիալեկտի-
կա-մատերիալիստական բմբռնման մեջ, այլ, ընդհանրացնելով իր ժամանակի
գիտության նորագույն տվյալները, մշակեց զգայությունների բնույթի, ճշմար-
տության, իմացության մեջ պրակտիկայի կուռ ուսմունքը, որը հաճախ ան-
վանվում է «լենինյան արտացոլման տեսություն»։ Ընդհանրացնելով XIX
դարի վերջի և XX դարի սկզբի բնագիտության, հատկապես ֆիզիկայի դարա-
կազմիկ հայտնադործությունները, բացահայտելով այսպես կոչված «ֆիզի-
կական» իդեալիզմի իմացարանական արմատները և ցույց տալով բնագի-
տության ճշնածամից դուրս գալու ելքը, լենինն անդնահատելի ծառայություն
մատուցեց արդի բնագիտությանը։

Իր փիլիսոփայական հետազոտություններով լենինն ավելի հզորացրեց
բնության և հասարակության երևույթների տեսական բմբռնման ու բացա-
տրության հատու գեները՝ մատերիալիստական դիալեկտիկական և ավելի կուռ
դարձրեց կապիտալիզմի կործանման ու կոմունիստական հասարակարդի հաս-
տատման անխուսափելիության տեսական հիմնավորումը։

Պատմական միթխարի նշանակություն ունի լենինի ավանդը կոմունիզմի
համար մղվող պայքարի առաջատար ու ղեկավար ուժի՝ նոր տիպի կոմունիս-
տական կուսակցության կազմակերպման տեսական հիմնավորման մեջ։ Լե-
նինը ամբողջ խորությամբ մշակեց կոմունիստական շարժման ոչ միայն
ստրատեգիան, այլև նրա տակտիկան բուրժուա-դեմոկրատական և սոցիա-
լիստական հեղափոխությունների ժամանակ, աներեք ու արդյունավետ պայ-
քար ծավալեց բանվորական շարժումը մարքսիզմի լույթունն աղավաղող
«պորտունիզմից, ունիզիոնիզմից ու դոգմատիզմից մաքրելու համար։ Նա ար-
մատական բննադատության ենթարկեց նարոդնիկությունը, այսպես կոչված
«լենգալ մարքսիզմը», լկոնոմիզմը, ունիզիոնիզմն ու ունիզիոնիզմը, ամբողջ խո-
րությամբ բացահայտելով նրանց առաջ րաշած դրույթների տեսական լիա-
կատար սնանկությունը։ Ընդ որում, լենինը երբեք չէր բավարարվում զուտ բա-
ցասական բննադատությամբ, այլ մարքսիզմն աղավաղողների սխալների
պարզարանումն օգտագործում էր մարքսիստական տեսության հետագա խո-
րացման ու հարստացման համար։ «Ի՞նչ են «ժողովրդի բարեկամները» և ինչ-
պես են նրանք պայքարում սոցիալ-դեմոկրատների դեմ», «Մարքսիզմը և
ունիզիոնիզմը», «Պրոլետարական հեղափոխությունը և ունիզատ կաուցիին»,
«Ջախուռության» մանկական հիվանդությունը կոմունիզմի մեջ» և նրա տասնյակ
այլ աշխատություններ ստեղծագործական մարքսիզմի փայլուն օրինակներ են։
Առանձնահատուկ կարևորություն ունի լենինի կողմից հասարակության
սոցիալիստական վերափոխման պրոցեսների գիտական հետազոտությունը։
Մարքսի ու Էնգելսի հիմնադրույթները հարստացնելով կապիտալիզմից սո-
ցիալիզմին անմիջական անցման ժամանակաշրջանի տեսնական ու քաղա-
րական դարգացման ընդհանրացմամբ, լենինը մի շարք հանճարեղ գիտական

կանխատեսումներ արեց Հասարակության ապագա քաղաքական-պետական կազմակերպության և նրա մահացման ուղիների մասին: Դրա համար նա հանգամանորեն հետազոտեց հարցի ամբողջ պատմությունը և, իմաստավորելով բանվոր դասակարգի ազատագրական պայքարի հարյուրամյա փորձը, գրեց իր հոշակավոր «Պետություն և հեղափոխություն» աշխատությունը:

* * *

Հասարակության սոցիալիստական վերափոխման հարցերի մեջ լենինը հատուկ ուշադրություն է դարձրել ազգերի փոխհարաբերության հարոին: Իր ամբողջ գործունեության ընթացքում լենինը բազմիցս անդրադարձել է ազգային հարցին, քննարկելով այն ոչ միայն որպես գիտնական սոցիոլոգ, այլ նաև որպես քաղաքագետ ու հեղափոխական գործիչ, ամեն անգամ բացահայտելով հարցի նոր ու նոր կողմեր: Զարգացնելով Մարքսի և Էնգելսի առաջադրած հիմնադրույթները և խորապես ուսումնասիրելով ազգային հարաբերությունների զարգացումն իմպերիալիզմի դարաշրջանում, նա մշակեց ազգային հարցի մարքսիստական-լենինյան կոո տեսությունը և նրա լուծման կոմունիստական գործուն ծրագիրը որպես կոմունիստական կուսակցության ծրագրի բաղկացուցիչ մասը: Նա մշակեց կուսակցության ազգային քաղաքականության հիմնական դրույթները, քաղաքականություն, որն արդարացիորեն կոչվում է «Լենինյան սովետական Բաղաճականություն» և ստեղծագործական մարքսիզմի խոշորագույն նվաճումներից մեկն է:

Ահա այսպիսին է. համառոտակի գծերով, մեծ լենինի, համաշխարհային պատմության նոր տիպի գործիչ կերպարը: Մի գործիչ, որն իր արտասովոր ընդունակությունների, անհատնում եռանդի և անշեղ նպատակադրության շնորհիվ կարողացավ արտահայտել նորագույն պատմության աշխարհակերտ ուժի՝ արդյունաբերական բանվոր դասակարգի ձգտումներն ու կամքը, նրա համաշխարհային պատմական առաքելությունը, մի անձի մեջ միավորել աշխատավոր զանգվածների ազատագրական պայքարի խիզախ առաջնորդին, նրա դիտական տեսության հանճարեղ մշակողին, դառնալ հեղափոխական մտքի ու գործողության անօրինակ մարմնացում:

Նա իսկապես մեր դարի մեծագույն գործիչն էր, որը վերլուծելով ներկան, չտեսնված խորաթափանցությամբ կարողանում էր տեսնել մարդկության զարգացման ապագա ընթացքը: Ինչպես իրավացիորեն գրել է հայ մեծ բանաստեղծ Զարենցը՝

Սրա ռայացիք սեւանում էր պարզ

Գալիք օրերը ու դարերը,

Սրա խոյանքը հանճարեղ էր,

Սրա քոիչքը — չտեսնված:

Մարքսիզմ-լենինիզմի էական կողմերից մեկը նրա հետևողական ինտերնացիոնալիստական բնույթն է:

Լենինիզմը՝ որպես մարքսիզմի նոր ստիճան, ամեն համառոտապես պրոլետարական շարժման հողի վրա: Սակայն սխալ կլիներ այդ բանի հիման վրա լենինիզմը համարել գուտ ոուսական երևույթ, ինչպես այդ փորձում են «ասպացուցել» մարքսիզմն աղճատող հոսանքները: Այնպես, ինչպես գերմանական, ֆրանսիական և անգլիական բանվոր դասակարգի ազատագրական պայքարի հողի վրա ծագելով մարքսիզմն անխուսափելիորեն վերածվեց մի-

ջազգային երևույթի, դարձավ բոլոր ազգերի ու ազգությունների բանվորների ինտերնացիոնալ ուսմունքը, այնպես էլ և լենինիզմը՝ ծագելով համառուսական շարժման հույ՝ վրա, իր մեջ ամփոփեց պրոլետարական միջազգային շարժման հիմնական կողմերը և վերածվեց միջազգային երևույթի:

Ինտերնացիոնալիզմը մարքսիզմ-լենինիզմի մեջ ոչ թե պատահական, զրսից ներմուծված բան է, այլ նրա բուն էության արտահայտությունը, նրա անբաժանելի կենսական բաղկացուցիչ տարրը: Իր ծագման առաջին իսկ պահից մարքսիզմն առաջադրեց բոլոր երկրների բանվորների համերաշխության սկզբունքը՝ որպես արտադրության միջոցների մասնավոր սեփականության, մարդու կողմից մարդու շահագործման վերացման, բանվոր դասակարգի ազատագրական պայքարի հաղթանակի կարևորագույն պայման: Իր ժամանակին Կարլ Մարքսը նշում էր, որ կապիտալիզմի դարաշրջանում ճնշված ազգերի ազատագրությունը կախման մեջ է դրվում պրոլետարիատի ազատագրությունից: Ո՛չ հունգարը, ո՛չ լեհը, ո՛չ էլ իտալացին ազատ չեն լինի, քանի դեռ բանվորը ստրուկ է մնում — նշում էր նա: Կապիտալիզմի լիակատար կործանումը բոլոր երկրների, բոլոր ազգերի բանվորների միացյալ պայքարի արդյունքն է, դրա համար էլ, ինչպես «Կոմունիստական պարտիայի մանիֆեստ»-ի մեջ նշում էին Մարքսն ու Էնգելսը՝ «Գոնե քաղաքակիրթ երկրների ջանքերի միացումը պրոլետարիատի ազատագրման պայմաններից մեկն է»¹: Եվ Մարքսն ու Էնգելսը առաջադրեցին «Պրոլետարներ բոլոր երկրների, միացե՛ք» համաշխարհային-պատմական լուզուհը՝ որպես հետևողական պրոլետարական ինտերնացիոնալիզմի անկյունաքար:

Մարքսը և Էնգելսը հենց սկզբից հիմնովին հերքեցին կոմունիզմի հակառակորդների այն շարամիտ հերյուրանքը, թե կոմունիստներն իրր ուզում են վերացնել հայրենիքը, վերացնել ազգությունը: «Բանվորները հայրենիք չունեն: Նրանցից չի կարելի խլել այն, ինչ նրանք չունեն» — նշում էին Մարքսն ու Էնգելսը և բացատրում, որ դա չի նշանակում թե պրոլետարիատն ապագային է, այլ այն, որ նա անխնա շահագործվում է և՛ իր ազգային, և՛ օտարազգի կապիտալիստների կողմից: Կոմունիզմը ոչ թե ազգն ու ազգությունն է վերացնում, այլ ազգային կղզիացածությունն ու ազգերի հակադրությունը միմյանց: Կոմունիզմի ժամանակ ազգությունները չեն վերանում, այլ «ինչ չափով որ ոչնչացվելու է մի անհատի շահագործումը մյուսի կողմից, այն չափով էլ ոչնչացվելու է մի ազգի շահագործումը մյուսի կողմից: Ազգերի ներսում եղած դասակարգերի անազոնիզմի հետ միասին կվերանան նաև թշնամական հարաբերությունները ազգների միջև»²:

Այսպիսով, մարքսիզմի հիմնադիրները կոմունիստական հասարակության հաստատման կարևորագույն պայմաններից մեկն էին համարում ոչ թե ազգերի ու ազգությունների վերացումը, այլ ազգային մեկուսացման, կղզիացման ու թշնամանքի անհետացումը, ազգային ճնշման ու ազգերի հակադրության վերացումը և իրավահավասար աշխատավորական ազգերի տնտեսական ու քաղաքական կյանքի միասնությունը, նրանց կամավոր միության հաստատումը:

Այս սկզբունքները հիմնարար դարձան Լենինի ամբողջ գործունեության ու պայքարի համար:

¹ Կ. Մարքս, Ֆ. Էնգելս, Լենինի երկեր երկու հատորում, հատ. 1, էջ 34:

² Նույն տեղում:

Իր հեղափոխական գործունեության հենց սկզբից լենինն առանձնահատուկ ուշադրություն դարձրեց բանվոր դասակարգի ազատագրական պայքարում ազգային և միջազգային մոմենտների փոխհարաբերության հարցին: Ազգերի լիակատար իրավահավասարություն, ազգերի ինքնորոշման՝ ընդհուպ մինչև անջատման և ինքնուրույն պետություն կազմելու իրավունքի ճանաչում, ազգային սահմանափակությունների ու արտոնությունների վերացում, ազգային լեզուների ու մշակույթի զարգացման ապահովում և, դրա հետ միասին, կապիտալիզմի տապալման ու կոմունիզմի կառուցման համար բոլոր ազգերի ու ազգությունների պրոլետարների ուժերի համախմբում, նրանց միավորում մեկ ինտերնացիոնալիստական միասնական կուսակցության մեջ, — լենինյան այս դրույթներն իրենց արտացոլումը գտան համառուսական կոմունիստական կուսակցության առաջին ծրագրում, որը վիթխարի դեր խաղաց ցարիզմի ու կապիտալիզմի դեմ մղվող պայքարում ռուսական կայսրության բոլոր ազգերի ու ազգությունների առաջավոր բանվորների ինտերնացիոնալ համախմբման գործում: Արդեն իսկ 1905—1907 թթ. հեղափոխության ժամանակ ցարական կառավարությունն ու բուրժուազիան զգացին այդ ինտերնացիոնալ համախմբման անխորտակելի ուժը և հեղափոխության պարտությունից հետո ճիգ ու ջանք չխնայեցին այն ջլատելու համար: Նրանց հրահրած վելիկոռուսական շովինիզմը, որն ուղեկցվում էր մյուս ազգերի նացիոնալիզմի բորբոքումով, նպաստեց ուներ իրար հակադրել տարբեր ազգերի բանվորներին, թուլացնել նրանց միասնությունը: Իմպերիալիստական պատերազմի նախապատրաստությունը միջազգային մասշտաբով ավելի պարարտ հող էր ստեղծում շովինիստական մոլուցքի սանձազերծման և բանվորական շարժման մեջ սոցիալ-շովինիստական տրամադրությունների թափանցման համար: Այս պայմաններում օպորտունիզմի ճահիճն ընկած սոցիալ-դեմոկրատները հատկապես կովկասյան մենշևիկները, բունդականներն ու իկվիդաստները, հեռացան պրոլետարական ինտերնացիոնալիզմի սկզբունքներից և ծավալուն հարձակում սկսեցին ազգային հարցում կուսակցության ծրագրի հիմնական դրույթների դեմ:

Ինչպես ժամանակին յշում էր լենինը, դա պրոլետարական ինտերնացիոնալիզմը մեծապետական շովինիզմով ու նացիոնալիզմով փոխարինելու անարգ փորձ էր, որն անպատասխան թողնել չէր կարելի: Եվ այդ պատասխանը տվեց հենց լենինը՝ 1913—1916 թթ. լույս տեսած իր «Բննադատական դիտողություններ ազգային հարցի շուրջը», «Ազգերի ինքնորոշման իրավունքի մասին», «Վելիկոռուսների ազգային հպարտության մասին», «Սոցիալիստական հեղափոխությունը և ազգերի ինքնորոշման իրավունքը», «Ինքնորոշման վերաբերյալ դիսկուսիայի արդյունքները», «Մարքսիզմի ծաղրանկարի և «իմպերիալիստական էկոնոմիզմ» մասին» և այլ աշխատություններում:

Լենինը որոշակիորեն ընդգծում էր, որ մարքսիստ չէ, անգամ դեմոկրատ չէ նա, ով չի ընդունում ազգերի ու ազգային լեզուների իրավահավասարությունը, ով չի պայքարում ամեն մի ազգային ճնշման կամ անիրավահավասարության դեմ: Բայց մարքսիստ չէ նաև նա, ով ժխտում է ազգերի մերձեցումը, ժխտում է բոլոր ազգերի ու ազգությունների բանվորների ինտերնացիոնալ համախմբման, միասնական կազմակերպությունների մեջ նրանց միավորելու սկզբունքը: Մարքսիստը պետք է կարողանա ճշգրիտ հաշվի առնել ազգային հարցում կապիտալիզմի երկու հակադիր տենդենցների գործո-

դուք յուրաքանչյուր ազգի զարգացման կոնկրետ աստիճանը և տուրք շտա ազգերի պառակտման ու մեկուսացման որևէ փորձի. ո՛չ շովինիզմին, և ո՛չ էլ նացիոնալիզմին: Ով կամենում է ծառայել պրոլետարիատին, — գրում էր Լենինը, — նա պետք է միավորի բոլոր ազգերի բանվորներին, անշեղորհն պայքարելով թե «նր» և թե օտար նացիոնալիզմի դեմ»³:

Օպորտունիստները հարձակվում էին մասնավորապես կուսակցության ծրագրի՝ ազգային ինքնորոշման իրավունքը հռչակող 9-րդ պարագրաֆի վրա: Լենինը հետևողականորեն բացահայտեց օպորտունիստների սխալները և տվեց հարցի համակողմանի դիալեկտիկական քննարկման փայլուն օրինակ: Վերլուծելով կապիտալիզմի դարաշրջանում ազգերի զարգացման պրոցեսը և բացահայտելով այդ պրոցեսի սոցիալ-տնտեսական հիմքերը, Լենինը ցույց տվեց, որ ամբողջ աշխարհում ֆեոդալիզմի դեմ կապիտալիզմի տարած վերջնական հաղթանակը կապված է ազգային շարժումների հետ: «Այդ շարժումների տնտեսական հիմքն այն է, — նշում էր նա, — որ ապրանքային արտադրության կատարյալ հաղթանակի համար անհրաժեշտ է, որ բուրժուազիան նվաճի ներքին շուկան, անհրաժեշտ է պետական համախմբում այն տերիտորիաների, որոնց բնակչությունը խոսում է միևնույն լեզվով, վերացնելով այդ լեզվի զարգացման և դրականության մեջ աչքն ամրացնելու դեմ հղած բոլոր արգելքները»⁴:

Լենինը շեշտում էր, որ ազգային ինքնորոշման իրավունքը բխում է ոչ միայն բազմազգ պետության մեջ ճնշված կամ զաղութային լծի տակ գտնվող բոլոր ժողովուրդների, այլև հենց իշխող ազգերի պրոլետարիատի արմատական շահերից: Ազատագրելով ճնշված ազգությունը, տիրապետող ազգի պրոլետարիատն ինքն էլ է ազատագրվում: Այլ Լենինը հաճախ էր կրկնում Մարքսի հանճարեղ միտքը. «չի կարող ազատ լինել մի ժողովուրդ, որը ճնշում է մյուս ժողովուրդներին»: Ուրեմն, պրոլետարիատը պետք է անվերապահորեն բնորոշի բոլոր ազգերի ինքնորոշման իրավունքը, պայքարի ամեն տեսակ պետական-ազգային արտոնությունների և սահմանափակումների դեմ, պաշտպանի բոլոր ազգերի հավասար իրավունքը ո՛չ թե սոսկ ազգային լեզվի ու մշակույթի զարգացման հարցում, այլ կյանքի բոլոր բնագավառներում:

Ճնշված ազգի ազգային-ազատագրական շարժման մեջ, ինչպես նշում էր մեծ առաջնորդը, կա համադեմոկրատական բովանդակություն: Սակայն դա ամենևին էլ չի նշանակում, թե պրոլետարիատը պետք է պաշտպանի անխտիր բոլոր ազգային շարժումները: Նա պաշտպանում է միայն այն շարժումները, որոնք ուղղված են ազգային ու սոցիալական ճնշման, իմպերիալիզմի դեմ: Նրա նպատակը բոլոր ազգերի աշխատավորների ազատագրումն է շահագործումից ու ազգային ճնշումից, և հենց դրա համար էլ, ինչպես նշում էր Լենինը՝ «բանվոր դասակարգի և կապիտալի դեմ նրա մղած պայքարի շահերը պահանջում են բոլոր ազգերի բանվորների լրակատար համերաշխություն և ամենասերտ միասնություն, պահանջում են հակահարված տալ անխտիր բոլոր ազգությունների բուրժուազիայի նացիոնալիստական քաղաքականությանը»⁵:

³ Վ. Ի. Լենին, Երկեր, հատ. 20, էջ 11:

⁴ Նույն տեղում, էջ 493:

⁵ Նույն տեղում, էջ 528—529:

Լենինը ցույց տվեց, որ ազգերի ինքնորոշման իրավունքի ժխտումը, նրա նենգափոխումը նացիոնալ-լիբերալ ֆրազներով, «կուլտուր-ազգային» ավտոնոմիայի պահանջով, իրականում հրաժարումն է «Պրուկետարներ բոլոր երկրների, միացե՛ք» լոզունգից, ամոթալի զիջում մեծապետական շովինիզմին՝ ու բուրժուական նացիոնալիզմին: «Ազգերի լիակատար իրավահավասարություն, ազգերի ինքնորոշման իրավունք, բոլոր ազգերի բանվորների միաձուլում, — ազգային այս ծրագիրն է, ուսուցանում բանվորներին մարքսիզմը, ուսուցանում ամբողջ աշխարհի փորձը և Ռուսաստանի փորձը»⁶, — գրում էր Լենինը:

Բանվորների ինտերնացիոնալ համախմբումը, նրանց միաձուլումը պայքարի մեջ. ուսուցանում էր Լենինը, ամենևին էլ չի նշանակում հրաժարում ազգային պատկանելիությունից. լեզվից ու մշակույթից, չի նշանակում ազգային շահերի ու առանձնահատկությունների քամահրում ու մերժում, այլ նշանակում է այդ շահերի խելացի զուգակցում ընդհանուր պրուկետարական պայքարի շահերի հետ: Կոմունիստներին խորթ չէ ազգային հպարտության անողջ զգացմունքը: Բայց դա ամենևին էլ հպարտություն չէ մյուս ազգերին նվաճելու ու ճնշելու, կոտորածների ու թալանի համար, ազգային մշակույթի ոռակցիոն ու հետադիմական կողմի համար, թագավորների ու իշխանների անհամար շարագործությունների համար, այլ օրինական հպարտություն մարդկության առաջադիմական, դեմոկրատական մշակույթի մեջ և աշխատավորների ազատագրության համար մղվող պայքարում իր ազգի ներկայացուցիչների մուծած ավանդի համար: «Եվ մենք, վելիկոռուսական բանվորներս, — գրում էր Լենինը, — ազգային հպարտության զգացմունքով լի, կամենում ենք, ինչ գնով էլ լինի, ունենալ ազատ ու անկախ, ինքնուրույն, դեմոկրատական, ռեսպուբլիկական հպարտ վելիկոռուսիա, որը հարևանների նկատմամբ իր հարաբերությունները կառուցի հավասարության մարդկային սկզբունքի վրա և ոչ թե մեծ ազդր ստորացնող արտոնությունների ճորտատիրական սկզբունքի վրա»:

Խոսելով ազգերի ինքնորոշման սկզբունքի մասին, Լենինը միշտ նշում էր, որ կոմունիստների նպատակը ազգերի անջատումը, նրանց մեկուսացումը չէ, այլ նրանց միավորումը մեկ եղբայրական ընտանիքի մեջ: Ինքնորոշում ոչ թե հանուն անջատման, այլ ինքնորոշում՝ հանուն միավորման, այսինքն՝ բռնի, ստիպողական միախորման փոխարեն՝ ժողովուրդների կամավոր միավորում մեկ միասնական սոցիալ-քաղաքական օրգանիզմի մեջ, շեշտում էր Լենինը: «Մենք ուզում ենք ազատ միացում, — գրում էր նա, — և այդ պատճառով էլ պարտավոր ենք ճանաչել անջատման ազատությունը (առանց անհատման ազատության՝ միացումը չի կարող ազատ կոչվել)»⁸:

Հոկտեմբերյան սոցիալիստական մեծ հեղափոխությունից հետո այդ կամավոր միավորումը դարձավ իրականություն: Լենինի այդ շրջանի գործունեության ու երկերի ուսումնասիրությունը ցույց է տալիս, թե ինչ կրթությունամբ էր նա պայքարում սոցիալիստական ուղու վրա կանգնած ժողովուրդների կամավոր միավորումն ու նրանց միջև իսկական բարեկամական, եղբայրական հարաբերություններ ստեղծելու համար, ինչ հոգատարությամբ էր նա վերա-

6 Նույն տեղում, էջ 569:

7 Նույն տեղում, հատ. 21, էջ 120:

8 Նույն տեղում, հատ. 26, էջ 207:

րերվում նույնիսկ ամենափոքր ազգության շահերին: 1922 թ. «Յուսերվեր»-ի և «Մանչևստր զարդիան»-ի թղթակից Ֆարրմանի հետ հարցազրույցում Լենինը, ի մի բերելով ազգային հարցի լուծման ապարկում սովետական իշխանության հնգամյա փորձը, մասնավորապես նշում էր. «Մեր փորձը մեզ մեջ անխորտակելի համոզմունք է ստեղծել, որ տարրեր ազգերի շահերի նկատմամբ հսկայական ուշադրությունն է միայն, որ վերացնում է կոնֆլիկտների հոգը, վերացնում է փոխադարձ անվստահությունը, վերացնում է ամեն տեսակի ինտրիգների երկյուղը, ստեղծում է, մանավանդ տարրեր լեզուներով խոսող բանվորների և գյուղացիների, այն վստահությունը, առանց որի բացարձակապես անհնարին են թե՛ ժողովուրդների խաղաղ հարաբերությունները և թե՛ փոքրիշատե հաջող զարգացումն այն ամենի, ինչ արժեքավոր է արդի բաղադրակրթության մեջ»⁹:

Ժողովուրդների խաղաղ հարաբերությունների, ավելին՝ նրանց բարեկամության ապահովման առաջին պայմանը, ինչպես նշում էր Լենինը, նրանք իրավահավասարության ապահովումն է: Այդ տեսակետից բնորոշ է Լենինի անհաշտ պայքարը «ամտոնոմիզացիայի» տխրահռչակ տեսության դեմ, որը ՍՍՌՄ կազմակերպման նախօրյակին առաջ էր քաշում Ստալինը: «Ավտոնոմիզացիայի» տեսության համաձայն այն ժամանակ (1922 թ.) գոյություն ունեցող անկախ սովետական սոցիալիստական հանրապետությունները (Ուկրաինան, Բելոռուսիան, Հայաստանը, Վրաստանը, Ադրբեջանը) պետք է միտնեին Ռուսաստանյան ֆեդերացիայի կազմում որպես ինքնավար հանրապետություններ: Ազգերի իրավունքները խիստ սահմանափակող այդ տեսությանը Լենինը հակադրեց անկախ սովետական հանրապետությունների միավորումը՝ որպես մեկ միության իրավահավասար անդամներ: Եվ Լենինի վիթխարի ջանքերի շնորհիվ էր, որ ստեղծվեց Սովետական Սոցիալիստական Հանրապետությունների Միությունը՝ որպես իրավահավասար ազգերի կամավոր դաշինք:

Ժողովուրդների իրական հավասարության հաստատման և նրանց բարեկամության ամրապնդման մյուս կարևոր պայմանը Լենինը համարում էր ժողովուրդների փաստական՝ տնտեսական, քաղաքական և կուլտուրական հավասարության ստեղծումը: Կապիտալիզմի թողած ժառանգությունը ազգերի փաստական անհավասարությունն է՝ մի բուռն զարգացած ազգերի կողքին հարյուրավոր այլ ազգերի տնտեսական, քաղաքական ու կուլտուրական կյանքի հետամնացությունը: Այդ ամոթալի ժառանգությունը լիովին հաղթահարելու, ժողովուրդների եղբայրության կուռ հիմք ստեղծելու համար Լենինը առաջադրեց զարգացած սոցիալիստական ազգերի կողմից մյուս ազգերին օգնելու, նրանց ավելի արագ զարգացնելու և ամենաառաջավորների մակարդակին հասցնելու խնդիրը, որն իր արտահայտությունը գտավ կուսակցության XII համագումարի հատուկ որոշման մեջ և սոցիալիզմի կառուցման բնթացքում վերածվեց իրականության: Դրա շնորհիվ այժմ մեր երկրում այնպես չկան առաջադեմ և հետամնաց ազգեր ու ազգություններ՝ նրանք բոլորն արդեն կանգնած են համարյա միատեսակ բարձր աստիճանի վրա և քայլում են աշխարհի բոլոր ժողովուրդների ավանգարդում:

⁹ Սույն տեղում, հատ. 33, էջ 457:

Փաստական հավասարության հաստատումն առանձնապես ցայտուն է **ձեռք** տղզային, բովանդակությամբ սոցիալիստական մշակույթի զարգացման ու ծաղկման բնագավառում: Խելացիորեն օգտագործելով իրենց դարավոր մշակույթի բոլոր առաջադիմական տարրերը և սոցիալիստական տնտեսական ու քաղաքական բուռն զարգացման նվաճումները, մեր երկրի ժողովուրդների հոգևոր մշակույթը, նոր, բարձրագույն աստիճանի է հասել և օրինական ճանաչում է գտել ամբողջ աշխարհում:

Իսկապես հավասար սոցիալիստական ազգերի ու ազգությունների անքակտելի բարեկամությունը սովետական հասարակության ուժի և հզորության անսպառ աղբյուրներից մեկն է: Եվ դա այժմ կամա թե ակամա ստիպված են խոստովանել նույնիսկ կոմունիզմի երդվյալ թշնամիները:

Վերլուծելով համաշխարհային զարգացման բնդհանուր տենդենցը, լենինը կանխատեսեց, որ բոլոր ազգերը կգան դեպի կոմունիզմ, — դա անխուսափելի է: Սակայն լենինը զգուշացնում էր, որ սխալ կլինեք կոմունիզմը պատկերացնել ուրպես գորշ, միակերպ մի ինչ-որ բան, ուր ոչ մի տարբերություն չի լինի երկրների միջև: Կոմունիզմն օրգանապես զուգակցում է ազգայինն ու միջազգայինը. բնդհանուրը, զարգացման հիմնական օրինաչափությունները բոլոր երկրներում նույնը կլինեն, սակայն առանձին երկրները կտարբերվեն նրա իրականացման այս կամ այն երանգներով, այս կամ այն յուրօրինակություներ կմտցնեն նրա կոնկրետ ձևերում, նրա իրականացման տեմպերի ու կոնկրետ եղանակների մեջ:

Այսօր այդ հանճարեղ կանխատեսումն արդեն իրականություն է դառնում: Սոցիալիզմի համաշխարհային սխտեմը միավորում է աշխարհի տարբեր մասերի 14 երկրների՝ աշխարհի բնակչության մեկ երրորդը: Սոցիալիզմի սխտեմում բնդգրկված մոտ 200 ազգեր ու ազգություններ կառուցում են նոր, անդասակարգ հասարակարգ: Եվ, շնայած նրանց միջև եղած տարբերություններին, նրանք միավորված են բնդհանուր նպատակներով, բնդհանուր շահերով և հարթում են մարդկության ապագայի ուղին:

Լենինը նշում էր, որ ազգային տարբերությունները սոցիալիզմի նույնիսկ համաշխարհային մասշտաբով ֆիրագործվելուց հետո էլ կպահպանվեն շատ ու շատ երկար ժամանակ» և դա կլինի նրանց շտեսնված զարգացման, ծաղկման ու մերձեցման ժամանակաշրջանը: Դրանով իսկ լենինը բացահայտեց սոցիալիզմի պայմաններում ազգերի զարգացման հիմնական օրինաչափությունը՝ նրանց զարգացման ու մերձեցման պրոցեսների միասնությունը:

Սովետական Միության Կոմունիստական կուսակցության նոր Մրազիրը, գծելով մեր երկրում սոցիալիզմից կոմունիզմին անցման կոնկրետ ուղիները, բացահայտում է նաև ազգերի և ազգային հարաբերությունների հետագա զարգացման հիմնական կողմերը՝ նրանց տնտեսական, քաղաքական, մշակութային կյանքի, ազգային լեզուների հետագա բուռն զարգացումը և կանխատեսում, որ «ՍՍՄԽ-ում կոմունիզմի հաղթանակի շնորհիվ տեղի կունենա աղղերի է՛լ ավելի մերձեցում, կաճի նրանց տնտեսական ու գաղափարական բնդհանրությունը: Սակայն ազգային տարբերությունների, հատկապես լեզվական տարբերությունների ջնջվելը, զգալիորեն ավելի տևական պրոցես է, քան դասակարգային սահմանագծերի ջնջվելը»¹⁰:

¹⁰ ՍՄԿԳ Մրազիրը, էջ 37:

լենինյան խորաթափանց կանխատեսումների և Ուվետական Միության ազգերի զարգացման համարյա կեսդարյա փորձի ընդհանրացման վրա հիմնված այս Մրազիրը լենինյան աղոթյին ծրագրի հետադա զարգացումն է մեր ժամանակաշրջանի պայմաններում:

Կոմունիզմն օրրստօրե ավելի ու ավելի խիստ կենսական անհրաժեշտություն է դառնում աշխարհի բոլոր ժողովուրդների համար: Իր վերջնական հոգևորքն է ապրում իմպերիալիզմի անմարդկային դադութային սխտեմը: Իարավոր էնշման լծից ազատագրվող տասնյակ ժողովուրդներ փորձում են նոր, ինքնուրույն կյանք կառուցել, նրանցից շատերը ձդտում են հաղթահարել կապիտալիստական զարգացման ուղին և կանգնել սոցիալիզմի ուղու վրա: Եվ այդ գործում նրանց լավագույն բղեցույցը ժողովուրդների լիակատար հավասարության, նրանց սոցիալիստական համագործակցության լենինյան զաղափարներն են:

ЛЕНИНСКОЕ УЧЕНИЕ О ДРУЖБЕ НАРОДОВ

М. А. МЕЛИКЯН

(Р е з ю м е)

Принцип интернационального единства трудящихся всех стран и полного равенства всех наций и национальностей — один из основополагающих принципов марксистского учения.

Творчески развивая марксизм применительно к современной исторической эпохе, В. И. Ленин разработал стройную национальную программу коммунистической партии, раскрыл основные стороны соотношения национального и интернационального моментов в борьбе пролетариата за ликвидацию эксплуататорского строя и построение коммунизма.

Особое внимание В. И. Ленин уделял обоснованию права народов на самоопределение, рассматривая его как признание полного равенства народов, осуществление которого создает прочные основы для добровольного братского объединения народов, освобожденных от ига капитала.

Научно проанализировав тенденции развития мировой истории, В. И. Ленин предвидел основные пути развития наций и национальных отношений в коммунистическом обществе.

Свободное развитие народов СССР, их братская, нерушимая дружба и сближение, день ото дня крепнущее единство народов мировой системы социализма — живое воплощение бессмертных идей гениального мыслителя и великого революционера.